

O'zbekiston kasaba uyushmalari Federatsiyasi nashri •
Gazeta 1991-yil 21-martdan chiqqan boshlagan



12
ИЮНЬ
Бутунжаҳон
болалар
меҳнатига
қарши
курашимиз
куни



Хоразм вилояти

Тадбир

Касаба уюшмалари – болалар меҳнатига қарши

Ўзбекистон касаба уюшмалари Федерацияси Хоразм вилояти кенгаши томонидан Бутунжаҳон болалар меҳнатига қарши кураш куни муносабати билан «Хива гулшани» оромгоҳида тадбир уюштирилди.



Унда мамлакатимизда келажак эгаларининг ҳар томонлама комил инсонлар бўлиб voyга етишлари учун яратилган шарт-шароитлар, хусусан, болалар меҳнатининг олдин олиш борасида амалга оширилаётган ишлар ҳақида сўз борди.

Шундан сўнг оромгоҳда дам олаётган 125 нафар ўғил-қизга касаба уюшмалари совгалари тарқатилди. Республика чемпионлари бўлган ёш спортчилар билан учрашув савол-жавобларга бой бўлди. Санъаткорлар иштирокидаги концерт дастурида болажонлар яйраб рақсга тушдилар.

Сана муносабати билан ташкил этилган расм чизиш, шахмат-шашка мусобақаларида болажонлар фаол қатнашдилар. Тадбир доирасида ташкил қилинган танловлар ғолиблари касаба уюшмаларининг совгалари билан тақдирландилар.

Мухаббат ТЎРАБОВЕВА
«ISHONCH»

БОЛАЛАР МЕҲНАТИ – ЭНДИ БУ ЎТМИШ

Ўзбекистон эришилган натижалар борасида бошқаларга ҳам намуна бўла оладиган давлатлар қаторига кирмоқда

Президентимизнинг кучли сиёсий иродаси ҳамда мавжуд муаммоларга тизимли ёндашуви асосида кўрилган чоралар натижасида сўнгги йилларда мамлакатимизда болалар меҳнатига ва мажбу-

рий меҳнатга батамом барҳам берилди. Янгиланган Конституциямизда болалар меҳнатининг бола соғлиғига, хавфсизлигига, ахлоқига, ақлий ва жисмоний ривожланишига хавф солувчи, шу жум-

ладан, унинг таълим олишига тўсқинлик қилувчи ҳар қандай шакллари тақиқланди. Соҳада эришилган ютуқлар, шубҳасиз, Ўзбекистондаги ислохотлар му-

ваффақиятининг муҳим кўрсаткичи бўлиб, мамлакатимизнинг халқаро нуфузи ва ижтимоий-иқтисодий тараққиёти суръатлари ўсишида муҳим аҳамият касб этмоқда.

Тошкент шаҳар мактабгача ва мактаб таълими бошқармаси, Таълим ва фан ходимлари касаба уюшмаси Тошкент шаҳар кенгаши ҳамкорлигида «Энг яхши бошланғич таълим ўқитувчиси» танлови ўтказилди.



Танлов

Энг яхши бошланғич таълим ўқитувчиси

1500 нафардан зиёд бошланғич таълим ўқитувчиси қатнашган танловнинг биринчи босқичи онлайн шаклда ташкил этилиб, ўқитувчилар билими тест топшириқлари орқали синовдан ўтказилди. Иккинчи босқичда тестдан юқори балл олган 500 нафар ўқитувчи эссе ёзди. Учинчи босқичда куйи босқичларда фаол қатнашганлар билан суҳбат ўтказилди. Шу тартиқда ғолиблар аниқланди.

– Ушбу танловдан мақсад бошланғич синф ўқитувчиларига эътибор, уларни келгусида янада фаол бўлишга чорлашдир, – дейди Таълим ва фан ходимлари касаба уюшмаси Тошкент шаҳар

кенгаши раиси Абдухалил Раҳмонов.

– 294-ИДУМда бошланғич синф ўқитувчиси бўлиб ишлаётган, – дейди Норгул Икромова. – Ушбу танловда биринчи ўринга лойиқ кўрилдим. Эътибордан ниҳоятда мамнунман.

«Ёшлар саройи»да танлов ғолиблари ҳамкор ташкилотларнинг диплом, пул мукофотлари, қимматбаҳо совгалари билан тақдирланди. 14 нафарига сиҳат-гоҳларга бепул йўланмалар берилди.

Комила БОЙМУРОВОВА
«ISHONCH»

Қорақалпоғистон Республикаси

«Аёллар дафтари»ни варақлаганда...

«ҲАЁТИМИЗ МАЗМУНГА ТЎЛДИ»

Мўйноқ тумани «Жайхун» маҳалласида яшовчи Света Қорабоева табиятан меҳнатдан қочмайди, борида қаноат қиладиган аёллардан. Аммо охириги йилларда уни турмуш ташвишлари қаттиқ эзиб қўйди. Боз устига фарзандининг юрагида нўқсон борлигини айтмайсизми! Ҳар куни дори-дармон дегандек...

Шундай паллада унинг жонига «Аёллар дафтари» оро кирди. Тикув машинаси билан таъминлангач, ўз-ўзини банд қилиб, тикувчилик билан шуғуллана бошлади. Ҳозир Света кўрпача, кўрпа-тушак тикиб, рўзгорини бутляпти. – Озгина эътибор ва ғамхўрлик ҳам киши кўнглини тоғдек кўтариб юборишга қодир экан, – дейди С.Қорабоева. – «Аёллар дафтари»га киритилгач, турмуш ташви-

шларим секин-аста ечила бошлади. Муҳими, қизимни пойтахтда операция қилдирдик. Жарроҳлик амалиётини ҳам давлат ўз гарданига олди. Шукр, ҳозир фарзандим анча яхши. Кўнгли хотиржам бўлса, ишда ҳам унум бўларкан. Буюртмалар кўп. Даромад ҳам шунга яраша. Анча ўзимизни тутиб олдик.

Туманининг «Орол» маҳалла фуқаролар йиғини худудиде яшовчи Бағдагул




Фотима АБДУРАИМОВА
«ISHONCH»

Жиззах вилояти

Зафарободлик Бобур Тожибоев ҳаққуқини тиклаш мақсадида мутасадди органларга тегишли тартибда мурожаат йўллади.

Касаба уюшма аралашгач...

Нафақа пули тўлаб берилди



Аризанинг қисқача мазмуни шундан иборат эди: У 2020 йилнинг 1 августидан «XIN HONG LI» МЧЖ шаклидаги қўшма корхонада юк ортувчи бўлиб меҳнат қилган. Аммо 2022 йилнинг 16 апрелида бахтсиз ҳодисага учраб, оғир тан жароҳати олган. Фалокат ишлаб чиқариш билан боғлиқ ҳолат, дея баҳоланиб, Н-1 шаклдаги далолатнома расмийлаштирилган. Шундан сўнг 34-сонли Дўстлик туманлараро ТМЭКнинг 2022 йил 18 октябрдаги 000322-сонли хулосаси билан унга учинчи гуруҳ ногирони, яъни 20 фоиз касбий меҳнат фаолиятини йўқотганлик даражаси белгиланган.

Шунга қарамай, «Ўзбекинвест» сугурта компанияси Бобур Тожибоевга 39 999 477 (ўттиз тўққиз миллион тўққиз юз тўқсон тўққиз минг тўрт юз етмиш етти) сўм нафақа пулини ўз вақтида тўлаб бермаган.

Ўзбекистон касаба уюшмалари Федерациясининг Жиззах вилояти кенгаши мутасаддислари мазкур масала юзасидан сугурта компанияси раҳбарияти билан музокара олиб борди ва аризачининг мудаоси қаноатлантирилди, нафақа пуллари тўлиқ тўлаб берилди.

А.БУРХОНОВ,
Ўзбекистон касаба уюшмалари Федерацияси
Жиззах вилояти кенгаши меҳнатни муҳофаз
қилиш хизмати етакчи мутахассиси





Янги Ўзбекистон бўйлаб саёҳат қил!

Бир умрга муҳрланган тотли лаҳзалар

...Улар уч кун Бўстонликнинг гўзал манзараларидан баҳраманд бўлишди. Пурвиқор тоғлар ҳайбатидан ҳайратланишди, сўлим боғлар тароватига маҳлиё боқишди. «Livingstone» дам олиш масканида ҳордиқ чиқаришди, саломатликларини тиклашди. Айниқса, «Чиноркент» дор йўлига қилинган саёҳат уларда катта таассурот қолдирди. Бир-бирига ҳаяжон билан туйғуларини ифода этишди.

Улар Оролбўйдан минг километр йўл босиб келишган. Улар Қорақалпоғистон Республикасидаги маҳаллалар фаоллари. Улар «Аёллар дафтари»да шижоат кўрсатишган, маҳалладошларининг муаммоларини ўзлариники билишган, уларга кўмакдош бўлишга ҳаракат қилишган, юртининг дардини ўзининг дарди деб билишган ҳақиқий жонфидо аёллар!

Тоғнинг энг баланд чўққисига чиқиб, эсдалик учун суратга тушган аёллар бир умрга муҳрланган хотиралар ва саёҳат таассуротлари ҳақида тўққинлаб сўзладилар.

— Саёҳатни ташкил этган касаба уюшмаларига катта раҳмат, — деди Беруний тумани «Лолазор» маҳалласи фаоли Тамара Ёқубова. — Пойтахтдаги кўп жойларни сайр қилдик, Тошкентнинг энг сўлим боғларида бўлдик, Бўстонликка келиб ҳам ҳали чарчоқни сезмаяпмиз.

Мана бугун улар меҳнатлари роҳатини кўришмоқда. Диллар яйради, руҳлар тин олди. Қалблар маънан кучга тўлди.

Аммо улар шу лаҳзаларда ҳам ўз ишларини унутмадилар. Бир-бирига тажрибаларини сўзлаб беришди. Шу билан бирга, гўзал масканида янги билимларга ҳам эга бўлишди. Кам таъминланган ва эҳтиёжманд хотин-қизларни ижтимоий қўллаб-қувватлаш, жумладан, «Аёллар дафтари» тизimini юритиш мавзусида ташкил этилган семинарда иштирок этиб, малакаларини оширдилар.

Оқшомлар янада файзиёб кечди. Улар учун эл севган санъаткорларнинг махсус концерт дастурлари намойиш қилинди. Кўй-қўшиқларда ватан ва унинг иқболи тараннум этилди.

Саёҳат қорақалпоғистонлик аёллар учун ана шундай гўзал таассуротларга бой ўтди. Улар бундан кўп бора мамнуният билан таъкидлашди. Ҳали Оролбўйда уларнинг суҳбатларида ҳам бу фикрлар кўп такрорланажак.

Мадина ПЎЛАТ қизи
«ISHONCH»

Эъзога УМРЗОҚОВА фото лавҳалари



Ибрат

ТОМЧИДА ҲАЁТ АКС ЭТАР

Бу сурат тасодиф маҳсули. Унда айни туш палласи таҳририят деразаси ёнида совуткич тирқишидан оқаётган обиҳаётдан кабутарнинг ташналигини қондираётган лаҳзаси муҳрланган.

Аслида бу ҳолдан катта маъно қидириш шарт эмасдир. Аммо бугун бутун дунёда сув танқислиги кучаётгани ҳақида бонг урилаётган бир пайтда унда қандайдир ибратга чорлов бордек, назаримизда.

Рост-да. Аҳолининг табиий ўсиши ва сув истеъмоли кўпайиши, иқлим ўзгаришлари сабаб аномал иссиқ иқлим эндиликда чор-ночор кўникишимиз шарт бўлган метёрга айланиб бормоқда. Ҳали саратон бошланмаган бўлса-да, ҳозирдан кун «ёндирапти». Неки жонзот борки, соя-салқин истаб қолди. Жумладан, ўзимиз ҳам, мана шу қуш ҳам...

Унинг дераза раҳида бизга боққанча ютоқиб-ютоқиб сув ичишида шундай киши билмас хитоб мужассамдек гўё: сув — бебаҳо неъмат! Уни борида қадрланг!

Алижон АБДУРАҲМОНОВ фото лавҳаси

Таассуф



ФОТОҲИСОБОТ УЧУН ЭКИЛГАН НИҲОЛЛАР

ёхуд қуриган арчалар учун ким жавоб беради?

Эко муаммоларни ҳал қилиш ёхуд муаммоларнинг авж олиб кетишига, албатта, оддий халқдан кўра, масъулларнинг ўрни катта. Бугун мамлакатимизда мутасаддилар олиб бораётган кўкаламзорлаштириш ишлари қанчалик пухта ва самарали? Кўкаламзорлаштириш бўйича ура-урачилик фониди берилаётган ҳисоботлар ўзини оқлаётими?

Ўтган йили тегишли фармонга кўра, 2022-2024 йилларда Қорақалпоғистон Республикаси ва вилоятларда «яшил боғ»ларни барпо этиш дастури ишлаб чиқилганди. Дастур асосида турли ҳудудларга турфа кўчатлар экилмоқда. Уларнинг аксари арча кўчатлари. Фақат арча тоғ ва тоғолди ҳудудлар иқлимига мослашган. Бу каби ҳудудларда арча униб ўсиши учун керакли озик моддалар мавжуд. Лекин республикаимиздаги аксар ҳудудлари иқлими арча учун тўғри келмайди. Шунга қарамай, об-ҳавоси арча учун мос бўлмаган ҳудудларга, хусусан, Сирдарё, Бекобод туманларида арча экиш кампанияси авж олган. МФЙлар ва ёқилғи қуйиш шохобчаси ҳамда йўл четларига арчалар экилмоқда.

Оқибатда экилган ниҳоллар кўп ўтмай қуриб нобуд бўлган. Ажабланарлиси, қуриган кўчат ўрнига қайта яна арча экиб кетилавереди. Фотоҳисобот топшириш учун амалга оширилаётган бу ишлар бюджетга неча пулга тушяпти? Дастур бўйича давлат бюджетидан кўкаламзорлаштириш учун ажратилган ва сарфланаётган маблағ — 64 миллион 880 минг сўм. Хўш, беҳуда совурилаётган маблағларга ким жавоб беради? Униб-ўсмайдиган кўчатларни қайта-қайта экишдан нима наф? Масъулларимиз мутахассислар билан келишиб, Ўзбекистон иқлимига мос бўлган чинор, терак, эман каби дарахтларни экишса, фойдалироқ бўлар, балки!

Диёра РАВШАНОВА

«ISHONCH»



Фаргона вилояти

Боғдорчилик

КАТТА ТАГОБНИНГ ТАШРИФ ҚОҒОЗИ



Ўзбекистон туманининг Катта Тағоб қишлоғи аҳолисининг асосий даромади боғдорчилик ва томорқадан. Ушбу қишлоқда мингдан ортиқ хўжалиқда 4 минг 600 нафардан зиёд аҳоли истиқомат қилади.

Катта тағобликлар чин маънода боғдорчилик ҳадисини олган миришкор деҳқонлардир. Қай бир хонадонга кирманг, шиғил ҳосил туккан меваларга кўзингиз тушади. Айниқса, қишлоқнинг ташриф қоғозига айланган гилоснинг «Самарқанд», «Баҳор», «Тошкент» каби навлари етиштирилиб, маҳаллий бозорларга, шу билан бирга, жаҳон бозорларига ҳам олиб чиқиб сотилади.

Маҳалламизда томорқасида гилосзори бўлмаган хонадон деярли йўқ. Азалдан шу ишининг ҳадисини олганмиз. Сўнгги йилларда гилосдан ташқари бодом етиштиришни ҳам кенг йўлга қўйдик. Меваларимизнинг аксарияти чет давлатларга экспортга йўналтирилади. Бу йилги мавсум бошида «Самарқанд» гилосининг 1 килосини 100 минг сўмдан сотишни бошладик. Айни кунларда эса энг кам 30 минг сўмдан 80 минг сўмгача топширяпмиз, — дейди миришкор боғбон Дилмуроджон Қодиров. — 50 сотих томорқамизда 200 тупдан зиёд гилос бор. Ўтган йилги харажатлардан ташқари 60 миллион сўм даромад олганман. Кўз тегмасин, бу йил ҳам ҳосил сероб.

Катта Тағобнинг ҳар бир хўжалигида ҳозир айни иш қизгин пайт. Ҳосил териб олинди, сараланмоқда. Қўтиларга жойланган гилос бозорга пешма-пеш чиқарилмоқда. Хориж мамлакатларига ҳам экспорт қилинмоқда. Сирасини айтганда, боғдорчилик ва томорқачиликдан унумли фойдаланаётган соҳибкор қишлоқ аҳли меҳнатлари роҳатини кўрмоқда.

Жамшид ЭРТАШЕВ

«ISHONCH»

